

太上北斗延生經

穰灾度厄經
平安靈經

北方真武妙經
鎮宅消灾龍虎經





六合清寧 上政順序 雨暘時若 萬物阜豐
 億兆康和 九幽融朗 均濟壽域 溥種福田
 上善攸臻 障碍消釋 家崇忠孝 人樂慈良
 官清政平 訟簡刑措 化行俗美 泰道咸亨
 凡厥有生 俱成道果
 宣德元年二月初三日施



太上玄靈北斗本命延生真經

開經玄蘊呪

寂寂至無宗

虛峙劫仞阿

豁落洞玄文

誰測此幽遐

一入大乘路

孰計年劫多

不生亦不滅

欲生因蓮華

超凌三界特

慈心解世羅

真人無上德

世世為仙家

爾時太清天中大聖老君以永壽元年正月七日在太清境上太清宮中觀見



衆生億劫漂沉。周回生死。或居人道。生
在中華。或生夷域之中。或生蠻戎之內。
或富或貴。或賤或貧。暫假因緣。墮於地
獄。轉乖人道。難復人身。還歸輪轉。為無
定故。罪業牽纏。魂繫陰司。受苦滿足。人
道將違。生居畜獸之中。或生禽蟲之屬。
轉乖人道。難復人身。如此沉淪。不自知
覺。為先世迷真之故。受此輪回。我以哀
憫之心。分身教化。化身下降。至於蜀都。
地神擁出。扶一玉局。而作高座。於是太

上昇玉局座。授與天師道。陵北斗本命
經訣。廣宣要法。作人舟船。津梁男女。普
濟衆生。使不失人路。

太上是時。告天師曰。人身難得。中上難
生。假使得生。正法難遇。多迷真道。多入
邪宗。多縱罪根。多諸巧詐。多恣淫殺。多
好群情。多愛貪嗔。多沉地獄。多失人身。
如此等緣。衆生不悟。不知正道。迷惑者
多。我今哀見此等衆生。故垂法教。為說
良緣。令使知道。知身性命。皆憑道生了。

悟此因。長生入道。種子不絕。世世為人。
不生無道之鄉。不斷人之根本。更能心
脩正道。漸入仙宗。永離輪回。超昇成道。
我故示汝妙法。令度天民。歸真知命。可
以本命之日。脩齋設醮。啓祝北斗。三官
五帝。九府四司。薦福消災。奏章懇願。虔
誠獻禮。種種香花。時新五果。像世威儀。
清淨堂宇。法天象地。吾科善教。請正一
道士一人。或一。或二。或三。或五。或七。或
於觀宇。或在家庭。隨力建功。請行法事。

於是功德深重。不可具陳。念此太上北
斗真君名號。當得罪業消除。灾穢洗滌。
福壽資命。善果臻身。

北斗真君應驗曰

家有北斗經 本命降真靈

家有北斗經 宅舍得安寧

家有北斗經 父母保長生

家有北斗經 諸魔化為塵

家有北斗經 萬邪自歸正

家有北斗經 營業得稱情

家有北斗經

闔門自康健

家有北斗經

子孫保榮盛

家有北斗經

五路自通達

家有北斗經

眾惡永消滅

家有北斗經

六畜保興生

家有北斗經

疾病得痊癒

家有北斗經

財物不虛耗

家有北斗經

橫事永不起

家有北斗經

長保亨利貞

道言。北辰在象而眾星拱之。為造化之

樞機。作人神之主宰。宣威三界。統御萬靈。判人間善惡之期。勾陰府是非之目。五行共稟。七政同科。有回死注生之功。有消災度厄之力。上至帝王。下及庶人。尊卑雖別。殊途命分。俱無差別。凡夫在世。迷謬者多。不知身屬北斗。命由天府。有災有患。不知解謝之門。延福延生。莫曉皈真之路。使鬼神被繫。禍患來鍾。或重病不痊。或邪妖尅害。連年困薦。累歲迍遭。塚訟徵呼。先亡復連。或上天譴責。

或下鬼所誣。若有此危厄。如何救解。急須投告北斗。醮謝真君。及轉真經。認本命真君。方獲安泰。以至康榮。更有深妙。不可盡述。

北斗真形頂禮恭敬呪曰

天靈節榮

願保長生

太玄之一

守其真形

五藏神君

各保安寧

急急如律令

北斗第一陽明貪狼太星君。子生人屬之。

北斗第二陰精巨門元星君。丑亥生人

屬之

北斗第三真人祿存真星君。寅戌生人

屬之

北斗第四玄冥文曲紐真君。卯酉生人

屬之

北斗第五丹元廉貞網星君。辰申生人

屬之

北斗第六北極武曲紀星君。巳未生人

屬之

北斗第七天衝破軍關星君。午生人屬

之

北斗洞明左輔星君

北斗隱元右弼星君

三台生我來

三台養我來

三台護我來

於是真形名號不可得聞。凡有見聞。能持念者。皆道心深重。宿有善緣。得聞持誦。其功德力。不可稱量。濟度存亡。增延福壽。巍巍功德。真聖祖宗。為性相之根。

本。若正性男女。值此真經。智慧性圓。道
心開發。出群迷徑。入希夷門。皈奉真宗。
達生禁界。於三元八節。本命生辰。北斗
下日。嚴置壇場。轉經齋醮。依儀行道。其
福無邊。世世生生。不違真聖。不入邪見。
道言。凡人性命五體。悉屬本命星官之
所主掌。本命神將。本宿星官。常垂蔭佑。
主持人命。復保天年。凡俗無知。自身不
悟。夫本命真聖。每歲六度。降在人間。降
日為本命限期。可以消災懺罪。請福延

生持此真經。隨力章醮。福德增崇。其有
本命限期將至。自身不知。不設醮筵。不
備香火。此為輕生迷本。不愧人身。天司
奪祿。減筭除年。致多夭喪。如此之人。身
謝之後。淪沒三塗。漂諸六趣。生禽獸中。
永失人身。為本命人根本明所報也。若
本命之日。其有男女。能備齋醮。善達天
司。一世約本命限期。開轉此經。廣陳供
養。使三生長為男子身。富貴聰明。人中
殊勝。其有男女。生身果薄。雖在人中。貧

窮下賤。縱知本命。無力脩崇。可以酌水
獻花。冥心望北極。稽首禮拜。念本命真
君名號者。亦不虛過。本命限期。皆得延
生注福。繫係人身。災厄蠲除。獲福無量。
天師歡喜踊躍。作禮圍繞。讚歎難可得
遇無上法橋。

道言。於是重告天師曰。世人罪福善惡。
皆達天司。懺罪消災。莫越脩奉。建齋設
醮。種人世善根。遇本命生辰。告身中元
辰驛馬。削落三災九厄。保見令眷屬安

寧悔過度恭。漸登妙果。重立玄功。證虛
無道。證虛無道。乃得聖智圓通。聖智圓
通。隱顯莫測。出有入無。逍遙雲際。昇入
金門。與聖合真。身超三界。永不輪轉。壽
量無窮。快樂自在。於是天師受得妙法。
而作是言。誓願流行。令傳善士。若有男
女。受持讀誦。我當與十戒仙官。所在擁
護。迷誤之者。值遇經訣。懷不信心。毀謗
真文。如此之人。罪根難滅。命沉六趣。永
失人身。深可悲哀。自致斯苦。凡有上士。

於本命生辰持讀是經。皆外伏魔精。將
安真性。功霑水陸。善及存亡。保而敬之。
非人勿示。永為身寶。福壽可稱。是經在
處。有南陵使者三千人。北斗真君七千
神將。本命靈官降駕。衆真悉來擁護。持
經之人。常持誦七元真君所屬尊號。善
功圓滿。以降吉祥。即說北斗呪曰。

北斗七真 天中大神 上朝金闕

下覆崑崙 調理綱紀 統制乾坤

貪狼巨門 祿存文曲 廉貞武曲

破軍輔星

大周天界

細入微塵

何災不滅

何福不臻

元皇正炁

來合我身

天罡所指

晝夜常輪

俗居小人

好道求靈

常見尊儀

願賜長生

高上玉皇

紫微帝君

三台生我來

三台養我來

三台護我來

魁魁驩魁魁輔魁急急如

太上玄靈北斗真君律令

道言。凡有男女於本命生辰及諸齋日。

清淨身心。焚香持此真文。自認北極本
命。所屬星君。随心禱祝。善無不應。災罪
消除。志感萬聖。千真俱來衛護。此經尊
重。是脩真之徑路。得道逍遙。皆因此經。
證聖成真。皆因此經。出離生死。皆因此
經。保護男女。皆因此經。保命延年。皆得
自在。此經若所在之處。千真敬禮。萬聖
護持。魔鬼潛消。精靈伏匿。世有災殃。悉
皆消滅。凡有急難。可以焚香誦經。尅期
安泰。於是乃稱念大聖北極救苦呪曰。

大聖北斗七元君

能解三災厄

大聖北斗七元君

能解四煞厄

大聖北斗七元君

能解五行厄

大聖北斗七元君

能解六宮厄

大聖北斗七元君

能解七傷厄

大聖北斗七元君

能解八難厄

大聖北斗七元君

能解九星厄

大聖北斗七元君

能解夫妻厄

大聖北斗七元君

能解男女厄

大聖北斗七元君

能解產生厄

大聖北斗七元君

能解復連厄

大聖北斗七元君

能解疫癘厄

大聖北斗七元君

能解疾病厄

大聖北斗七元君

能解精邪厄

大聖北斗七元君

能解虎狼厄

大聖北斗七元君

能解虫蛇厄

大聖北斗七元君

能解劫賊厄

大聖北斗七元君

能解枷棒厄

大聖北斗七元君

能解橫死厄

大聖北斗七元君

能解咒誓厄

大聖北斗七元君 能解天羅厄

大聖北斗七元君 能解地網厄

大聖北斗七元君 能解地獄厄

大聖北斗七元君 能解一切厄

如是七元君 大聖善通靈

濟度諸厄難 超出苦衆生

若有急告者 持誦保安寧

盡憑生百福 咸契於五行

三鬼得安健 邪魅永能停

五方降真炁 萬福自來并

長生超八難 皆由奉七星

生生身自在 世世保心清

善似光中影 應如谷裏聲

三元神共護 萬聖眼同明

無災亦無障 永保道心寧

道言說經將畢。龍鶴天仙來迎老君還

於玉京。是時老君重告天師曰。可以宣

揚正教。普濟世人。福利無邊。永霑勝善。

是時天師再拜

老君流傳此經於世。廣垂濟度。勿示非

人戒慎之焉

太上玄靈北斗本命延生真經

北斗長生聰明密呪

北斗七星 玉真仙靈

貪狼巨門

保臣長生 祿存文曲

使臣聰明

廉貞武曲 衛臣安寧

破軍輔弼

護臣身形 常居吉慶

永蒙福齡

注上生籍

勾落死名

神清氣爽

洞達玄冥

禦邪攝鬼

群妖摧傾

學道脩真

伏願遂成

七元覆護

飛昇紫庭

急急如

太上帝君律令

北斗長生聰明密咒

太上靈寶天尊說禳災度厄真經
爾時天尊在禪黎國土。與大道真仙萬
萬六千人。諸天尊。及諸天龍鬼神。盡來
集會。受吾約束。世間若有善男子。善女
人。或有年災月厄。遊城赤鼠之厄。天羅
地網之厄。命窮筭盡之厄。疾病纏綿之
厄。落水波濤之厄。虎狼虺蛇之厄。水火
盜賊刀兵生產之厄。山林樹木社稷之
厄。土石橋梁之厄。毒藥呪詛之厄。惟願
令對

玉皇天尊。大道真聖。懺悔解禳。度脫身
中災厄。一一解散。勿為留難。勅諸天神
王。並降聖力。道力。承斯經力。恩力。衛護
弟子。授持念誦此經已後。解禳陽九百
六之災。三衰八難九橫五苦之厄。如求
如願。所履平安。出入行藏。所求利益。所
願遂心。於是衆等聞說此經。皆大歡喜。
信受奉行。

太上靈寶天尊說禳災度厄真經竟

元始天尊說北方真武妙經

仰啓玄天大聖者。北方壬癸至靈神。
金闕真尊應化身。无上將軍號真武。
威容赫奕太陰君。列宿虛危分秀炁。
雙睛掣電伏群魔。萬騎如雲威九地。
紫袍金帶佩神鋒。蒼龜巨蛇捧聖足。
六丁玉女左右隨。八煞將軍前後衛。
消災降福不思議。歸命一心今奉禮。
爾時元始天尊於龍漢元年七月十五日。
於八景天宮上元之殿。安祥五雲之

座與三十六天帝。千極真人。无量飛天
大神。玉童玉女。侍衛左右。一時同會。鼓
動法音。天樂自響。大衆欣然。咸聽天尊
說无上至真妙法。是時上元天宮東北
方大震七聲。天門忽開。下觀世界。乃有
黑毒血光。穢雜之炁。幽幽冥冥。從人間
東北方。直上衝天。盟結不散。大衆咸驚。
默然不敢議問。時會中有一真人。名曰
妙行。威德充備。諸天尊仰。越班而出。執
簡長跪。上白天尊曰。況此境清淨。太陽

道境何得有此黑毒之炁。盤結衝上。是
何異因。唯願天尊至聖。為衆宣說。絕其
疑慮。天尊告曰。汝等妙行。能為衆生。發
問是由。汝當復坐。靜默安神。吾當為說。
天尊曰。下元生人。皆稟清靜氤氳真一

之形。悉備三萬六千神炁。扶衛其身。今
已陰陽數盡。劫運將終。魔鬼流行。信從
邪道。不省本源。諂求餘福。昏迷沉亂。不
忠不孝。不義不仁。好樂邪神。禱祭魔法。
今為六天魔鬼。枉所傷宮。或老或少。或

男或女。未盡天年。橫被傷殺。本非死期。鬼無可托。鬼毒流盛。死鬼不散。怨怒上衝。盟結惡炁。汝當省知。於是妙行真人。與諸大衆。聞是說已。心大驚怖。欲請天尊威光。暫降下方。收除魔鬼。救度衆生。拔濟幽魂。去離邪橫。大衆懷疑未敢。天尊告曰。不勞吾威神。此去北方自有天神。將號曰真武。部衆勇猛。極能降伏邪道。收斬妖魔。真人上白天尊曰。不審此位神將。生居天界。脩何道德。為於神將。

天尊告曰。昔有淨樂國王。與善勝皇后。
夢吞日光。覺而有娠。懷胎十四箇月。於
開皇元年甲辰之歲。三月建辰初三日。
午時。誕於王宮。生而神靈長。而勇猛不
統王位。惟務脩行。輔助玉帝。誓斷天下
妖魔。救護群品。日夜於王宮中。發此誓
願。父王不能禁制。遂捨家辭父母。入武
當山中。脩道四十二年。功成果滿。白日
登天。玉帝聞其勇猛。勅鎮北方。統攝真
武之位。以斷天下妖邪。真人上白天尊。

曰。如何得此神將。入於下方。收除魔鬼。
救度群生。免遭橫死。日有所益。伏願大
慈天尊。遂其所請。天尊乃勅右侍玉童。
馳詔真符一道。徃徃北方。名其真武神
將。其神蒙名。部領神衆。徃到天尊前長
跪。臣已奉玉帝勅命。位鎮北方。今日何
緣得覩慈顏。持蒙符名。天尊告曰。吾於
上元宮中。大會說法。忽下方黑毒怨恚。
衝上天界。大衆咸驚。汝宜徃彼。收斲妖
魔。拔濟冤爽。真武神將敬奉天尊教勅。

乃披髮跣足。踏騰蛇八卦神龜。部領三十萬神將。六丁六甲。五雷神兵。巨虬獅子。毒龍猛獸。前後導從。齊到下方。七日之中。天下妖魔。一時收斂。入鬼分離。冤魂解散。生人安泰。國土清平。真武神將。與諸部衆。還歸上元宮中。朝見天尊曰。昨奉教命。往下方收斂妖魔。仗慈尊力。乃於七日之內。天下邪鬼。並皆清蕩。天尊曰。善哉。汝等諸神。得无勞乎。於是真武神將。乃交乾布斗魁。置激拍上。佐天

關而作呪曰

太陰化生

水位之精

虛危上應

龜蛇合形

周行六合

威攝萬靈

无幽不察

无願不成

劫終劫始

剪伐魔精

救護群品

家國咸寧

數中末甲

妖炁流行

上帝有勅

吾固降靈

闡揚正法

蕩邪辟兵

化育黎兆

協贊中興

敢有小鬼

欲來見形

吾目一視

五嶽摧傾

急急如律令

奉禮呪曰

太初大易

无象无彤

莫知重濁

孰辨輕清

吾於混沌

分其昏明

天得以健

地得以寧

民得以養

物得以萌

邪得以正

神得以靈

三才之內

萬類咸亨

太朴既散

仁義乃興

禮樂既作

姦邪斯行

六誼或失

四民有爭

上不寬恕

下不忠貞

或魔或鬼

或妖或精

恣橫荼毒

干擾生民

全家疾患

累歲官刑 財物耗散 骨肉伶仃

性命枉逝 災禍相縈 穢雜之氣

上達天庭 天尊有命 令與安平

有妖皆剪 无鬼不烹 瘟疫之吏

東首伏膺 鬼精滅爽 邪魔隨傾

吾有十萬力士 五千萬兵 天上天下

從吾降生 拒吾者滅 奉吾者生

惡吾者辱 敬吾者榮 禮吾者壽

非吾者覺 吾有此令 人鬼咸聽

急急如律令

又呪曰

北方高天

杳杳神君

億千變化

玄武靈真

騰天倒地

驅雷奔雲

隊彼千萬

掃蕩妖氛

雷公侍從

玉女將軍

鬼神降伏

龍虎潛奔

威震五嶽

萬靈咸遵

鳴鐘擊鼓

游行乾坤

外捕逆鬼

破碎魔軍

除邪輔正

道炁常臻

急急如律

令

天尊告真武曰。自今後凡遇甲子庚申。

每月三、七日。宜下人間。受人之醮。祭。察
人之善惡。脩學功過。年命長短。可依吾
教。供養轉經。衆真來降。魔精消伏。斷滅
不祥。過去超生。九幽息對。見存獲慶。天
下和平。

爾時妙行真人。與諸天帝。无量飛天神
王。真仙大衆。聞說莫不歡喜踊躍。一時
作禮讚歎功德。我等今日。蒙大法利益。
請於人世。救護衆生。令得免三災患難。
各各受持。稽首奉行。

真武神將再奉

天尊勅。永鎮北方。奉辭而退。

元始天尊說北方真武妙經

玄帝百字聖號

混元六天。傳法教主。脩真悟道。濟度群
迷。普惠衆生。消除災障。八十二化。三教
祖師。大慈大悲。救苦救難。三元都總管。
九天遊奕使。左天罡北極右垣大將軍。

鎮天助順。真武靈應。福德衍慶。仁慈正
烈。協運真君。治世福神。玉虛師相。玄天
上帝。金闕化身。蕩魔天尊。

太上說平安竈經

爾時太上老君。金闕上帝。妙行真人。祖
聖妙天。天尊。大道真君。開門天使者。在
玉境山中。說上界種火之母。玉頂大仙
說聖母元君。分身下界。化為世界。左眼

化為日。右眼化為月。頭髮化為山林樹木。血脈化為清泉。手足化為雄磨。舌頭化為簸箕。四肢化為四時。三百六十骨節化為三百六十日。八萬四千毫竅化為毛脂肉臟。獐鹿野獸。六畜猪羊。大虫牛馬。耕耘布種。孳生五穀苗禾。天尊答曰。每月初一日。先掃竈君門。後掃竈君房中。堂前淨。堂中潔淨。身上污穢不淨。觸汚竈君大王。惹了赤眼口瘡之災。天尊答曰。每月初一日。休將簸箕掬灰。是

玉頂仙女元君舌頭化為籙真惹了官
司之災。天尊答曰。每月初一日。休要竈
前燒了。小男細女。尿臊尿臭。赤身露體。
惡口舌毒。作業造罪。忤逆不孝。拋撒五
穀。怨天恨地。罵爺罵娘。罵風罵雨。坑陷
它人。折子宮孫。利己損它。說是生非。貪
多人財。願死願生。瞞心昧己。蛆心狡肚。
欺善怕惡。強者欺善。黑風暴雨。閃電娘
子。霹靂將軍。天打不弟。不孝之人。天尊
答曰。每月初一日。不要扒定竈門。偏身

而坐。身上污穢不淨。觸污竈君大王。惹
了是非口舌之災。天尊答曰。每月初一
日。休將刀斧安在竈前。瓢杓碗盞。吊桶
安在竈上。打盞驚動竈君大王。六神禁
忌。三官門官不了之事。月月二十四日。
竈君大王上天奏與天曹天官。種火之
母說。若有人寫一本竈經。供養。免它一
家之災。免了產難之災。免了癱床頭枕
之災。免了赤眼口舌之災。免它官司之
災。免了災不照。四時無病。八節無災。生

男端正。生女美貌。一男一女。父母雙全。
天尊答曰。每月初一日。多有人家不識。
便去竈裏燒了鷄毛。燎了竈君大王。

方青帝。甲乙竈君。南方赤帝。丙丁竈君。
西方白帝。庚辛竈君。北方黑帝。壬癸竈君。

君。中央黃帝。戊己竈君。夫人天竈君。靈
竈君。地厨神竈君。六甲神竈君。六癸竈
君。玉女天仙。嬌男地府童子。宗竈君。祖
竈君。公竈君。婆竈君。父竈君。母竈君。兒
竈君。孫竈君。陽竈君。陰竈君。冷竈君。熱

竈君。長竈君。短竈君。竈家七十二部竈
君。公竈。母竈。子竈。孫竈。竈家童子。竈家
媳婦。地竈。三十六竈。竈上童男。竈下童
女。即說呪曰

玉靈仙帝。勅妙天尊。天上正道。逢來老
君。太上元始天尊。奉行此經。急急如律
令。門神戶尉。各依本位。鋼刀立下。斬鬼
千段。化為血水。太上老君。急急如律令

奉勅

太上說平安竈經 竟

太上正一天尊說鎮宅消灾龍虎妙經
爾時聖祖元始天尊。在玉清聖境。太上
道君。太上仙境。太上老君。玉皇上帝。天
皇大帝。北極紫微大帝。紫微天皇大帝。
先天聖母。后土皇帝。一切五方五帝星
君。東方木帝星君。南方火帝星君。西方
金帝星君。北方水帝星君。中央土帝星
君。三十六洞神仙。八十一萬真人。年直。
月直。日直。時直使者。太陽星君。太陰星
君。羅睺星君。計都星君。森羅萬象。一十

八宿星君。天地水府五官。四聖元帥。真君。奉行六丁六甲。左手執印。右手仗劍。含光辟人。天師有二十四萬神將。人人咬牙。箇箇爭能。生於虎頭。氣若風雲。颯起雲沒。虎鎮雷聲。節鑼相隨。吏法神兵。忽見人家宅上。或有邪魔。魍魎之鬼。血腥癆病之鬼。投井自繫之鬼。一切鐵甲棒打。火輪繞身。縛手鎖脚。搏磨為塵。一切妖精。趕離宅門。東堂西舍。卧房樓閣。宅園之內。細意搜尋。或有人家。脩蓋宅。

舍打墻動土。移門改戶。眠夢顛倒。睡卧不安。樹木枯竭。不於禁忌。不選良時。觸犯土公土母。驚動六神。惱害作禍。踏磨傷身。至心焚香。生日看此經。壽命得長生。本命看此經。灾病得離身。病人看此經。早得離床枕。甲子看此經。行住六護身。逐日看此經。百事稱其心。夜夢看此經。睡卧得安寧。獄中看此經。枷鎖早離身。難月看此經。陰陽早降生。每月甲子本命之日。看此真經。種種香花。時新五

果志心供養。或注生死。上至帝王。下及
庶人。信受奉行。

魁魍魎。魍魎魍魎。

斬盡邪魔。辟盡妖

水火盜賊。俱死滅。

官災病患。一時消

急急如律令。



